

中華民國二年七月二十七日

湖南政報

中華民國郵政局特准掛號認爲新聞紙類
每三日出報 每月每份售銅元三十八枚 零售每册銅元四枚 (郵費另加)

第八十八册總發行都督府政報發行所

印刷所長沙南陽街振華

湖南都督譚委任李鈞爲湖南政報處總理此狀

目錄

▲本省令

都督令

○命令

都督令內務司核辦桃源縣呈請查辦縣屬青年令及社團改進會情形由

◎呈批

教育司呈請通俗圖書請咨送貴州都督由並批

○公件

公電

都督致北京參衆兩院各省都督民政長兗州張軍統省議會軍商政學各界各報館電

都督軍學商各界致廣東江西福建南京安慶各都督民政長各總司令電
省議會致江西安徽福建南京廣東各省議會都督民政長上海省議會聯合會電

省議會致廣西省議會都督民政長電

○公文

都督咨送貴州都督由司呈送關於通俗各項書報由
國稅廳籌備處函請 都督將國稅廳取銷呈辦事項移併
財政司兼辦由

審計分處財政司會催提繳各機關六月以前存款由

○通告

陸軍上將湖南省防守備隊司令官余道南

陸軍中將湖南省防守備隊副司令官童錫梁

都督討袁檄

轉錄

閩督孫道仁陸軍第十四師師長許崇智要塞總司令王麒
並軍政各界致北京參衆兩院各省都督民政長護軍使省
議會各報館兗州張軍統電

▲命令

▲本省令

●都督令內務司核辦桃源縣呈請查辦縣屬青年會及社團改進會情形由

案據桃源縣知事任澤蘭呈稱案奉都督青電開近來各屬搶案層見迭出匪風日熾鄉里騷然非執嚴刑峻法無以除暴安良嗣後如該管地方有匪徒聚眾行劫開堂放飄者無論首從拿獲即行正法倘敢拒捕准其格殺勿論仰該文武一體遵照並錄電出示曉諭等因奉此知事旋登電出示張貼無少懈忽無如縣屬設立青年會分所招待蔓延城鎮鄉村勾結痞匪橫行市井暨起陸軍大纛高炫九星團結無藝游民陰竊一縣清朝之皂班捕快代表劉加匪中之雙首龍頭掌權楊裕即吉省強提款產設立衛兵身佩馬刀青光掩日肩披洋砲黑響震天騷擾鄉閭兇橫里井坐起玻璃之轎抬觀三人持舉珪玉之符威驚四眾登高臺演說豕宰雙雙發小醜以拘人魚穿貫貫鄉民側目紳董灰心鑄蓋關防輒用照會擾亂治安莫此甚知事於耳聞目見之下晝夜恐惶因於心痛首疾之餘文呈鑑核於五月內已蒙都督批示痞徒假黨會爲名擾害鄉里自應嚴切禁止准予取銷等因奉此又蒙內務司批示查各黨會之設立其宗旨原欲促國家之文明謀社會之發展該縣陬市鎮青年會勾結痞徒橫行市井殊屬甘冒不韙擾害公安且該會有何本部係何宗旨本司無卷可查既據該陬市鎮鄉董兩會及各界公民所稱騷擾各情自應將該會嚴加取締尤須查明滋擾之徒按律懲辦以維秩序等因奉此又於五月二十八號接奉內務司令開案據長沙府知事姜濟寰呈稟社會之劣跡飭令取消之明文並分行各府廳州縣迅

即查照辦理等因奉此知事清鄉至縣屬南路沙坪該會之惡劣更僕難數合鄉之稟呈堆案如山目觸神傷誰能遣此心毒手辣人何以堪知事出於不得已將該會取消即帶捕快劉加訊明收押而首魁會主之馮裕聞風遠逃矣又於六月十五號清鄉至縣屬東北路陬市漆市一帶該會仍然暮布星羅龍盤虎踞愈加引誘格外梟張顯然藐視官廳反抗上令而人道會社團改進會共和急進會乘勢擴張變本加厲種種風潮揚波助流層層霧障改名易地無非狡兔之藏身裝面蒙皮原欲作奸狐之駭獸總之不侵奪權限心不能甘非擾害治安武無所用得此假藉庶好招搖於陬市楊維璚劉鳳山等均係商民被童相引誘舉立正副部長一經拿獲親具甘結改過自新酌量罰金創修義渡再不可測者東澗水流西澗水南山雲起北山雲知事至此該會至彼一出一沒動如參商彼往此來道同否泰况知事身奉上令務宜恪守詭競職握民權尤必驅除盡盡殊該會等彌縫匝地運動通天鄰郡之機關羽札飛奔棉言刺謬知事未敢遂意諒必大不稱心固爾報紙旋登流言散布尤可駭者忽來都督感電捧讀之下大汗淋漓知事謹復電呈藻鑒語叙葵衷然此中火有一關鍵在焉因無實跡未敢明言該會恃此護符不啻狐鼠之有託櫻其凶噬固遭蛇蝎之相傷由是該所轄之地搶劫成風青年有字塵氛蔽日黑暗難清抑又聞之沅陵界地有某民者黑夜被劫十餘之匪乘舟而歸船沉沅水檢屍之際均有該會徽章此假爲匪之鐵証也昨七號又接社團改進會湘支部函開云稱該會分部直達五十餘處未便輕易取銷云云不知省垣所立各學會類皆挈共和之要旨進社會於文明若縣屬之該會伐南山之竹莫罄其兇決東海之波難滌其穢發行則交涉起優容則禍患生誠令人欲進不能欲退不可知事竊自揆之遵令而行

殊多窒碍弛令而罷必紊公安正在沈吟俛俛靡定適彼城董縷縷來呈於八號又接該城董會呈文乞知事照會該會立遷以便辦學等因知事如此其將執而行之乎抑將置之不問乎無已用是縷晰詳呈都督台前察核裁奪作主施行望乞批飭示覆不勝惶恐悚懼之至等情據此除批仰內務司核辦等因印發外合行令仰該司即便察核辦理此令

都督令靖州知事知照貴州都督咨復黎平府屬並無煙苗煙館情事由

案准貴州都督咨開案查前准貴都督支電開據靖州胡知事駐防羅營長電稱黎平府屬平茶三里驛何家坪謝家坪等處尚有煙苗且有煙館恐英員來館查勘致滋騷擾除原電有案不錄外後來希即查照見覆等因准此除電覆外當即轉飭國民軍司令官迅飭古州鎮查明去後茲據覆稱查前次處決之吳孝發吳發炳龍起發等三名係官團人據平茶官團等處地方人等認明該匪等果係勾結姚匪潛至官團助戰助械作探供糧事敗後該匪等復回官團經團紳馬敦五楊永芬等齊團捆送軍前供証確鑿不能不就地處決以快人心既由地方送請究辦之匪何爲寃殺况有該匪招供事實及開出匪名與該處一帶鄉團稟請緝拿匪名無異似此不法匪徒即處決亦不足以蔽其辜更有吳之璋前往黎屬官團與姚匪勾結事敗後攜眷搬移交界之地稱係靖民不知充當何項隊長恃在隔屬料我軍不敢越緝並敢散佈謠言稱滇軍無端殘害淆亂湘邊文武觀聽冒爲良善復以煙苗未盡捏詞上達查黎屬地方素非種煙之地即間有之種亦甚少前奉命令時經黎平府傳良弼叅將史永健會同三次出巡督蒞盡絕所有架詞寃殺事出有因煙苗煙館均屬誣妄等情據此除批示外相應備文咨覆貴都督查照等因准

此合行令仰該州知事即便知照此令

內務司通令各屬知事出示保護印花票以重郵政由

案准長沙郵政局總辦師密司君函開頃據永州府支局筭局員呈稱查支局郵界內並未見有地方官保護郵局郵路之告示即發售印花稅票前月十日以將公函送呈府知事至今亦未見告示謹此呈報等情前來查印花稅係屬創辦人民疑懼觀望莫前是以奉 總局通令凡開始發售印花稅票務須先時函請地方官出示曉諭應請貴司轉飭該知事從速辦理為盼等因准此查郵政遞送公文關係極為重要現值印花稅開辦伊始郵局發售此項稅票事屬創舉非由地方官出示曉諭深恐人民誤會別生事端於郵政諸多妨碍茲准前因除切飭永州府遵照外誠恐未遵來示保護者當不僅永州一處合行令仰該知事從速示諭保護以重郵政勿再疎延致于未便切切此令

國稅總籌備處令各釐局稅關遵照審計分處 審核月分概算冊造報由

案照該關^局前費七月分支付概算冊業經本處彙案編送 審計分處審核在案茲將編轉該關^局七月分概算冊式照案抄發為此令仰該關^局知照嗣後逐月造報概算冊即照此冊程式繕造二份應於前一月初五以前費處以憑核辦至逐月支付概算各有增減固難一律然總以儉約為主即使適合預算尤須隨時設法裁節以期達於一成開支之規畫遇有臨時發生特別支款為預算原案所無者即先行另呈明理由俟咨 審計分處核准後方能列入概算不得預先填列務各遵照辦理此令

▲呈批

●教育司呈查通俗圖書請咨送貴州都督由並批

案奉 鈞府令開案准 貴州都督兼民政長唐咨開案據教育司呈稱查通俗教育為改良社會之要務本司前後奉令催促自當即時着手無如黔省僻處萬山文化灌輸既遲財政尤為艱窘欲有設施每興司農仰屋之嘆然風氣日開人心澆漓日甚通俗事業實有萬不可緩之勢現由本司遵設通俗教育一科專以籌備通俗事宜但事屬創始諸多未備擬請鈞府轉咨各省民政長飭令教育司將關於通俗書報分別郵寄以資考鏡而利推行為此備文呈請查核轉咨實為公便等情據此本民政長覆查無異相應備文咨請貴民政長轉飭遵辦實紉公誼等因准此合行令仰該司即便查照來文將關於通俗書報分別郵寄貴州教育司交收備用等因奉此茲據該團已將所出各書二十種演說報十五冊呈送來司理合檢呈 鈞府察核即請函覆 貴州都督轉飭教育司查收備用此呈
陸軍上將銜湖南都督兼署民政長譚

計呈

- | | | | |
|--------|----|-------|----|
| 民國俠烈傳 | 一本 | 黃漢魂二集 | 一冊 |
| 六不先生記 | 一本 | 防疫法 | 一本 |
| 復漢記 | 一本 | 鴉片烟 | 一本 |
| 民國新論二集 | 一冊 | 實用雄辨術 | 一本 |

中華光復記 一本 小兒謠 一本

女先生 一本 苦口說 一本

國恥演說 一本 猛回頭 一本

天足女子 一本 農歌 一本

新歌謠 一本 好農人 一本

血淚黃華二集 一册 錫盒子 一本

演說報 十五册

批據呈已悉仰候轉咨貴州都督查照可也此批

▲財政司批益陽縣知事江海宗呈請撥提一萬六千元另修行政廳由

呈悉該廳署撥作法院現暫退住後進狹隘擁擠勢所不免自另行修築以資辦公唯司庫支絀異常礙

難更有餘力為接濟各屬工程之用所請撥提一萬六千之處未便照准仰即自行設法籌集俾資尅日

興工可也仍候 內務司暨 國稅廳籌備處批示此批

▲財政司批晃州廳警務長左聲瑩呈請警款由庫支給並加津貼由

呈悉查該廳係受領津地方典獄僅分領津貼以為俸料之用署內辦公經費並無由司庫發給之文所

請援例支給之處礙難照准該警署應分存留稅契各款尙可敷用該廳財政科何得把持不發致阻進

行仰晃州廳知事轉飭該科按月如數發給以重要公至司庫支絀該警長俸料由庫支給已屬格外體

恤安能更有餘力足資接濟所請加予津貼之處應毋庸議併傳該警長知照仍候 都督暨 內務司
批示此批

▲財政司批常甯縣周鼎銘等稟爲藉算糜費懇委核算一案
稟悉前據劉綺初等具呈到司當即批飭該縣知事會同議事會及地方正紳逐款清查具復核奪在案
乃事隔數月尙未呈復是否已將底簿交會審查殊難憑信唯據稱該民等竟私立清算局分設員役要
挾提款如果非虛殊屬不合仰常甯縣知事查明情形勒令取消一面速催議事會澈底清算以重公
款而釋羣疑是爲至要此批

▲實業司批攸縣攸常福鑛務公司主辦康劉鎰等開採嘉字都會家山礪礪一案
該商等私開鑛山擅立公司名目所稱私購攸縣會家山鑛地自前清光緒年以迄於今未據來省呈請
主管衙門飭核核准有案前與和豐阜公司控爭山界據該縣知事具呈到司業經明白批飭按照定章
應距離和豐阜鑛界在六百官之外方准另呈請開等語印發在案該商等始終以舊鑛自居迄未遵辦
茲據呈各情尤敢砌飾多詞妄肆揣度殊屬荒謬自經次此申斥該商等倘敢越範圍致有擾亂社會
行動則三尺具在本司亦決難爲罔法者寬也尙其懷之此批

▲實業司批樓家賢呈創辦志成興樟腦公司章程并請立案由
開設公司係湊集資本共營貿易照章必在二人以上該民係個人營業不宜用公司名目即以所擬章
程而論其中載採買他人所有之樹及收買他人所製之腦幾有非歸該民包攬不可之勢一味壟斷用

心尤屬不合所請設立公司之處未便照准此批

▲實業司批山幫紙商代表賀厚卿等呈請取銷蕭慕泉等所設楚南紙業公司由

居今日而言實業非販賣者之足貴在於自能製造售銷以免利源外溢蕭慕泉等前請設立楚南紙業公司其宗旨在研究種竹改良製造并設造紙廠所擬簡章業經批飭刪改果能副其所言製成精品未始干紙業前途不有裨益察閱來呈該公司竟將呈定章程妄加增改并擅出佈告有同官廳之示諭涉及他人之營業似此假公司之名以行其招搖撞騙之計殊屬謬妄已極亟應查明究辦以示懲儆茲飭將蕭慕泉等最後改訂章程照鈔并將該商等此次所賣該公司印刷簡章及佈告一併檢發仰湘潭縣知事立即確切查明如果實係該公司之所爲即應將該公司取消究治并將該知事前次驗款實在情形一併具復毋延副呈批發

▲實業司批周松貴等呈報羅仁昌等巧籍名目破壞成規懇請維持由

從前風氣閉塞時代工藝陳陳相因無有出奇制勝之觀念招收學徒限於三年一出進殆以爲人數稍多於已不便其弊害致使技藝日即固陋毫無進步之可言現在情勢交遷當以力求精良俾能對外爲急務是故貴乎掃除舊習從事擴張不容仍立限制招徒一節以適用爲標準原係正辦前據羅仁昌等來司具呈當經批示在案該民等其去爾私心改良習慣不得藉口從前規章妄事爭論此批

▲公件▼

公電

●都督致北京參衆兩院各省都督民政長兗州張軍統省議會軍商政學各界各報館電

北京參衆兩院各省都督民政長兗州張軍統省議會軍商政學各界各報館鑒溯自南北統一共和告成海內同胞嗚嗚望治凡居疆寄以及庶司莫不力擁中央共扶大局湘本貧瘠尤勉爲維持財政一項自滿清時負累已多光復後軍隊林立百廢待舉出款頓增實無餘財可供政府乃去歲大借款決裂一接部電告急即強移指定要款湊解中央前後計現銀百八十萬兩忍割脂膏以醫瘡疾原祈共濟早奠國基軍興以來兵多爲慮憂時之士建議裁減部電通告各省贊成其時人言袁氏好亂實具野心北地增兵顯分畛域延閣頗知大義未敢以不肖待人首倡退伍藉示誠感其他命令無不悉予曲從保持統一蓋苦心企望和平以增進國民幸福已一年有餘矣使袁世凱果能忠於民國開誠布公慎選賢能相與匡扶危局則全國翕然何至自相携貳乃竟不自洗心甘爲亂首襲其在滿清時代每乘國家多故造成巨禍攫取高位之故智以恣其獍狻險悍之凶鋒於民國將選舉正式總統之前與趙秉鈞等賄使奸人暗殺創造民國主持政黨內閣之刁教仁於正式國會成立之日擅借鉅款破壞約法不交國會議決以供其運動選舉賄買議員之揮霍身爲總統行同盜賊口言共和行實專制敗壞風化淆亂國是至此已極尤可恨者引用官僚走卒遍布津要購煽痞黨匪類擾亂地方卑劣陰狡無所不至延閣猶以望人改過之心存投鼠忌器之會屢加規勸訖無所動今且肆虐彌甚私逐臬徒稱兵潯陽狃於漢口之劫

焚欲以贛人爲魚肉延閣猶以爲唇齒雖寒兵戈宜弭電告袁黎戰端不可輕開退兵以待解決而袁忽
密遣奸人爆燬吾湘軍裝局現已疊次審訊供証確實道路傷亡老幼憤痛湘民何辜湘省何負於袁何
負於中央乃至兩月以來派北兵駐寶塔洲駐新隄駐嘉魚駐監利逼壓湘境不已而又火吾軍裝局加
湘民以極慘之毒實與其對待贛民者無以異當九江開戰之初延凱仍持調解電其停戰乃復派其家
奴段芝貴增兵進戰蓋至此已忍無可忍矣綜計袁一年來所爲無一不與共和相悖獨握政權內閣虛
設專用群小賢良遠避播殘輿論議員抱殺身之懼招納逋逃各省伏內顧之憂以名器爲私賞視國帑
如己產誣元勳若仇讎居舊宮擬帝制撤民選之都督自問何功縱背叛之庫倫訂約棄地又違法設立
陸軍執法處妄捕平民橫加慘戮而拱衛軍近且增至四五萬守此獨夫坐糜鉅餉汚國虐民毒施人鬼
橫暴之非擢髮難數吾湘竭財力以濟中央而袁世凱且大借外債以固一己之權位吾湘軍隊以求
和平而袁世凱且大增兵力以逞各省之蹂躪吾湘推至誠以冀感動而袁世凱且派兵壓境賄燒軍裝
局以殺善良之人民國民希望共和袁則實行專斷國民要求人權袁則概予割剝誠所謂觸情任忒不
顧憲綱世界各國無此總統也茲者戰禍已啓國中阡危延凱自光復以來忝膺重任共和保障責無可
辭忠告既窮仗義斯起敝省特宣布誓與袁世凱斷絕關係延凱當勉竭駑鈍率三湘子弟援旌擐甲以
返共和之魂佇望各省同胞協同聲勢誓滅袁賊早奠國基幸賜明教臨電憤慨聲與淚俱湖南都督譚
延凱叩

▲都督率學商各界致廣東江西福建南京安慶各都督民政長各總司令電

廣東江西都督民政長轉福建南京安慶各都督各總司令官鑒湘省議會及軍政學界已於個日宣布與中央脫離關係軍隊集中岳州隨諸公後一致進行會攻袁賊湘都督譚延闓率學商各界全印

▲內務司司法籌備處電各屬知事嚴緝盜匪乘間竊發由

各府廳州縣知事覽近查各屬匪盜橫行劫案疊出現值贛省用兵難保無奸人乘間滋擾各該知事身任地方應即會督營團認真查緝訊明確係匪盜立即電准正法如兵力過單准即呈明添募小隊遴派正紳教管督飭家族嚴行清鄉倘有痞徒藉端抗拒不論何等會黨速行分別懲治各法官應與知事同負責任和衷商辦其已設法院地方匪盜應責成知事專辦毋庸送交法院地方安危所繫毋稍違誤致干懲處仰即錄電函達各審檢廳各法官查照并出示曉諭爲要都督府內務司司法籌備處印

◎省議會致江西安徽福建南京廣東四川各省議會都督民政長上海省議會聯合會電

萬火急江西都督轉安徽福建南京廣東四川各省議會都督民政長上海省議會聯合會鑒袁賊橫暴罪惡昭彰贛粵指戈用彰撻伐本會連日集議極表贊同務懇壹意進行速即討賊激揚士氣指白日以誓師取彼兇殘抵黃龍而共飲共和絕續一髮千鈞臨電神槍無任盼禱湘議會馬印

省議會致廣西省議會都督民政長電

萬火急廣西省議會都督民政長鑒袁賊無道擁兵專橫肇禍潯陽普天同憤現贛閩皖粵江甯等省業已宣告獨立大勢已去獨力難支敝省現正準備軍事出兵聲討尙乞志切同仇即日會師江上殲彼兇殘臨電神槍迫切待復湘議會寄印

▲公文▼

▲都督咨送貴州都督由司呈送關於通俗各項書報由

案查前准 貴都督咨請飭司將關於通俗書報分別郵寄以資考鏡而利推行等因到湘當經令飭教育司遵照辦理去後茲據該司呈稱奉令後遵飭演說團將所出各書二十種演說報十五冊呈送來司理合檢呈鈞府察核即請函覆貴州都督轉飭教育司查收備用等情據此除批發外相應咨送 貴都督請煩察核飭收實爲公便此咨

貴州都督兼民政長

▲國稅廳籌備處函請 都督將國稅廳取銷呈辦事項移併財政司兼辦由

敬啓者日昨 鈞府會議已決定對待袁政府方針現值軍務吃緊一切國稅收入關係餉源極爲重要惟國稅廳成立向係直隸財政部茲既與袁政府斷絕關係以移本處執行稅政外間人民或不知以湖南收入儘數歸湖南支出尙形不足致茲誤會征收難望起色竊恐貽誤軍需請將本處呈辦國稅事項仍移併財政司兼辦以策進行所有國稅廳名目即行取消務祈

俯允即日令行財政司接收以重稅務而裕餉源不勝待命之至再本處成立以來所有收入稅款均已陸續撥交財政司充作本省軍費軍餉合併聲明此致

湖南都督兼民政長譚

審計分處財政司會催提繳各機關六月以前存款由

逕啓者案查各機關六月以前存儲之款前經本分處會同本司通函

府處
署司貴校所至六月底結束一律提歸本司委託湖南銀行代理金庫經理以昭統一在案現在代理金庫業
場局
院團

已成立七月支用經費均經照章核發所有六月以前各機關餘存之款應即悉數提繳本司核收統歸
金庫存儲以符會計法規辦法如有六月以前未支之款即行查明造冊隨送備案以備查核補支爲此
會同函達

府處
署司貴校所請煩
場局
院團

查照即希遵行爲盼此致

都督府

交涉署

內務司

警察廳

高等巡警學校

保郵事業管理局

土木工程局

國稅廳籌備處

湘岸權運局

教育司

第一法政學校

高等師範學校

高等師範附屬中小學校

高等工業學校

高等商業學校

第一二三四五六師範學校

第一二女子師範學校

鐵路學校

中等商業學校

中等農業學校

中等工業學校

全日中學校

公立 五、六、七、八、初等小學校

公立貧民藝徒學校

圖書館

司書編譯局

模範講演團

籌辦通俗講演員養成所

湖南政報處

司法籌備處

高等法院

自新習藝所

公立法律學校

軍事廳

軍械局

陸軍測量局

測繪學校

陸營清丈局

實業司

蠶業講習所

女子蠶業講習所

工業試驗場

商業傳習所

省議會

軍路局

新化鑛山監督署

森林培秧局

國民捐總局

▲通告▼

▲都督討袁檄

爲保障共和出師討賊布告天下事逆賊袁世凱自竊據政柄以來無日不違背約法蹂躪民權慣爲掩目捕雀之圖專以破壞共和爲得計當南京政府催令受職之時即橫逞狡黠聳動兵變焚掠京津不惜犧牲商民生命財產以快個人權利之私北京政府成立之初即嗾使其私黨以攻去唐內閣復令軍警威脅參議院通過所謂袁氏內閣者全國譁然不曾顧惜淫威所至遂益狂悖先殺武昌首義之張振武次殺民黨崇拜之宋教仁其他志士無辜被戮陷害慘狀者以千數百計又其對於創造民國之偉傑靡不視爲仇讎凡不能毒螫其生命者亦必誣讒其名譽蓋袁逆之處心積慮豈真與吾民有宿仇特與我民國不相容而已設立軍警執法處爲摧殘捕擊輿論之機關營居三海官殿爲摹擬歷代君主皇王高拱之規制全國退伍而袁世凱增兵四海困窮而袁世凱揮霍跡其一年以來之行動實爲覆載所不容徒以國基初奠各省軍民顧全大局遇事曲予優容冀其日就悛悔以終臨時過渡之局乃狼子野心愈釀愈毒乘正式政府將成立之際爲鞏固逆賊地位之詭圖既借入奧款一千萬金又借入五國銀行團二萬萬五千萬金不交議院擅自簽字已爲國法所不容公民所共棄乃叩其用途其大逆不道更有不可思議者以斷送政權財權借來之外款即全數留供國家正用已覺吾民負擔之不堪而轉以之充收買議員收買中外之新聞記者收買各省會匪軍隊及一切暮夜不可告人之金竟耗去其大半不足又加以外蒙古之斷送固結強鄰之歡心覬覦變更其國體此實有史以來國賊僉壬之所作爲其明目張

胆未聞有如袁世凱之萬一者至袁賊所組織之私人政府冥頑萬惡一舉一動本無絲毫能力足以維繫國家然能喘息年餘至今始逼成大亂者徒恃各省起義都督保境息民分擔治理爾孰知袁賊愚謬不嘉賢傑盡瘁之功反萌猜忌地方反對民權之念並此都督省制而欲推翻之前者違背約法擅頒官制因爲暗削部督之權暨反對紛起遂思剪除異己遍布私黨安插腐舊官僚以爲爲所欲爲之地首試於贛繼行於粵皖抹煞民國艱難之締造居然帝制自爲此豈獨贛皖粵三省之變故乃國體上根本之動搖凡屬居五色旗下血氣之倫呼籲忿爭庸爲得己而袁逆不知罪大惡極干犯民怒亟圖自裁以謝天下猶復盜憎主人甘爲戎首逞兵南方贛軍即不爲正當防衛首舉義旗本都督亦難坐視今者江皖閩粵蜀滇浙桂等省業已同宣義聲分途出師共討袁賊吾湘義勇素著決難再事養奸願與邦人臥薪嘗胆殄此凶逆保存固有之共和掃除將然之帝燄厲行民生政策刷新老大國家不特解四萬萬同胞專制之苦楚而且慰諸先烈起事之初衷不特爲吾民爭歸應有之自由而且爲吾民減輕老來之痛慘唯我國人其各明此義也在昔漢唐宋元之末亦有奸人覬覦大位得以苟延旦夕者此皆由君主政體之使然今者民國以民爲主萬事取決於公斷權利屬之國家本萬衆一心之師討橫暴無恥之賊將不崇朝必歸滅亡凡現屬袁賊部下者及早回頭概當赦宥若其甘心從逆至死不悟義師一到亦不能曲予優容本都督仗此共和二字爲行軍之本天地日月同鑒此言檄告遠近咸使聞知

都督兼討袁軍總司令官譚 爲

討賊安民出示曉諭事照得中華民國國家爲中華民國國民人組織而成即爲中華民國人民所共有無

論何人苟有違反共和陰謀專制以國家爲一家之私產者即謂之叛賊謂之大逆不道人人得而誅之
茲者袁世凱席其在滿清時代之毒發於南北統一之際百端要挾攘取臨時總統年餘以來帝制自爲
多行不義摧殘輿論破壞約法擅定官制暗殺元勳任用私人結納匪徒抵押鹽釐大借外債侮弄國會
剷除民意共和政體幾於中斬江西同胞橫遭侵侮首倡大義誓師討袁粵皖江蘇閩浙滇蜀桂各省相
繼興師同伸義憤不久即當會合進攻直搗北京誅此妖孽吾湘締造民國厥功最多萬難坐視國賊臨
張當九江開衅之先雖有袁世凱購煽奸人焚燬軍裝局陰謀荼毒湘民之事本都督爲顧全大局不忍
再觀兵禍仍屢次電告痛進箴言乃袁賊怙惡不悛黎元洪更助桀爲虐不僅竭全力以攻江西並敢駐
兵湘境隱行窺伺是該叛賊直以對贛者對湘以荼毒贛省手段荼毒各省也本都督及軍政各界至今
已忍無可忍業已宣布與袁政府脫離關係連合各省共滅元兇爲此曉諭全省中外商民人等各安職
業須知本都督仗義出師原爲保衛同胞之真正共和幸福俾先烈艱難創造之民國不致爲神姦所傾
覆務期外除民賊內固治安所有生命財產一體由政府擔任保護毋得誤聽謠言自相驚擾切切此示

中華民國二年七月二十五日

陸軍少將湖南省防守備隊司令官余道南

爲

陸軍中將湖南省防守備隊副司令官童錫梁

通佈事民國初建內憂外患疊起環生危急存亡千鈞一髮所有進行方法自有 都督主持于上各機
關執行于下凡爲同胞應各安職業助進民生主義乃一般無意識無恒業恒產之游民無受法治之資

格盤踞會城造謠生事煽惑愚氓希圖擾亂秩序遂伊輩劫擄之謀致令良善同胞日夕驚擾殊屬罪大惡極蠹害社會本司令職司省防自以保衛治安維持秩序爲第一要義合擬就七條先行出示曉諭爲此示仰各色人等知悉良善居民無須驚擾如有違犯後列各條一經查實訪拿到案定即立置典刑決不寬貸勿謂言之不預也各宜凜遵毋違切切特示

計開

- 一 散放飄布希圖起事者斬
- 一 造謠生事煽惑人心者斬
- 一 聚衆劫搶者斬
- 一 秘密集會者斬
- 一 私行招兵者斬
- 一 擠兌票幣擾害市面者斬

中華民國二年七月二十四日

△轉錄▽

各省公電

●閩督孫道仁陸軍第十四師師長許崇智要塞總司令王麒並軍政各界致北京參眾兩院各省都督民政長護軍使省議會各報館兗州張軍統電

火急北京參眾兩院各省都督民政長護軍使省議會各報館兗州張軍統上海民立報館均鑒迭接贛省軍民真文各電暨歐陽都督及甯皖蘇粵各都督通電又華僑七十九埠各處電驚悉口順令人憤懣溯自武漢舉義以後全國響應袁氏挾滿清之餘欲為總統之要求其時國人心理以為苟利大局不論何人當即如其所願不意統一甫成即背遷都乃有軍警在握任肆干涉之威曲置蒙蔽專防內亂弁髦約法任逞野心濫殺忠良以除異己擅立官制位置私人以鹽厘抵押借款欲令南方餉絀自亂動章或有或無無非植黨徇私自知人心不附更變本加厲暗殺偉人大借外債收買議員圖傾國會李督既去猶迫江西恣軍淫掠成何政府從此以往吾四萬萬同胞真無見天之日矣仁等雖無卓識具有天良贛省既已率先吾閩豈容獨後為合全體公議即日與北京政府斷絕關係務望各省同志急起直追一面公推前總統孫中山先生主持臨時政府一面出師助戰保全共和同伸義憤嗚呼當國家危難之時乃為兄弟閱牆之舉仁等何心詎忍堪此實以共和之基礎一動國家之危亡可期急公紓難敢辭被髮纓冠引咎吾躬惟有椎心泣血用布區區伏希公鑒福建都督孫道仁陸軍第十四師師長許崇智要塞總司令王麒並軍政各界全體同叩號印

●江蘇討袁總司令黃克強致北京國務院參眾兩院黎副總統各省都督民政長護軍使省議會上
海海軍李總司令海圻海琛海籌海容應瑞肇和各艦長各報揚州徐師長吳淞姜總台官江陰
陶總台官電

北京國務院參眾兩院武昌黎副總統各省都督民政長護軍使省議會上上海海軍李總司令並海圻海
琛海籌海容應瑞肇和各艦長民立報轉各報館揚州徐師長吳淞姜總台官江陰陶總台官北京民國
報均鑒近北軍又復輕師襲滬入據各廠聞風之下驚駭莫名自宋案發生繼以私借外款袁世凱之陰
謀一旦盡露國民駭痛理有固然興當時悲憤之餘傳電中央婉詞切責湘贛皖粵四督坦懷論列亦本
諸忠愛民國之心乃世凱遽有異圖日作戰備當時世凱罪狀既彰豈難申討徒以天下甫定外患方殷
閱牆之戒乃所宜守爰戡可用之兵徐俟元兇之悟興雖得世凱砌詞辱罵之電置而不答四督何譴罷
斥隨至亦各下心謝職翩然歸田宜可以告無罪於世凱矣乃彼豺狼之性終不可移忽於各省安謐之
時妄列大兵於江海當蒙邊不靖之頃轉重腹地以兵戎倒行逆施至於此極推其用心非至剿絕南軍
殺盡異己不止似此絕滅人道破壞共和誰無子孫忍再坐視興今承江蘇程都督委為該省討袁軍總
司令視事之日軍心悉同深悔待時留決之非幸逢急起直追之會當即誓師北伐殄此神姦諸公保育
共和夙所傾服望即協同聲勢用集大成興一無能力尙有心肝此行如得死所乃所尸祝若賴我祖黃
帝之靈居敵愾同仇之後天下從風獨夫寒胆則興之本志惟在倒袁民賊一去興即解甲歸農國中政
事悉讓賢者如存權利之想明神殛之臨電涕泣伏惟矜鑒江蘇討袁軍總司令黃興印

皖督胡萬泰民政長孫多森楚泰艦長馬煥玉建威艦長程耀烜楚謙艦長王光熊致北京參衆兩院各省都督民政長南京黃司令臨淮柏司令湖口李司令各報館電

北京參衆議院各省都督民政長南京黃司令臨淮柏司令湖口李司令各報館均鑒皖省宣佈獨立已于本日電達茲駐皖建威楚泰謙三艦長復會商軍政各界相約一致進行誓與袁政府斷絕關係特此電聞擅都督胡萬泰民政長孫多森楚泰艦長馬煥鈺建威艦長程耀烜楚謙艦長王光熊電

廣東都督兼討袁總司令陳炯明暨省議會致

北京參衆兩院各省都督民政長省議會各報館電

急京參衆兩院各省都督民政長省議會州張軍統省護軍使各軍師旅團長上海海軍司令各報館均鑒天

禍中華袁兇肆毒假共和之面具行專制之威權跡其罪惡竹罄難書舉其大者厥有十二張振武方維武漢首義功成釋田自儕平民袁氏以武昌一電不經法律裁判而駢戮之是爲顯違法律殘殺人民之開端其罪一依據約法官制須交議院議決袁氏擅以命令頒布官制各議會起而質問始則搪突旋發弗恤蔑視議會蹂躪約法其罪二買兇武士英刺殺宋教仁証據披露故縱洪犯脫逃又圖毀征據殺武犯以滅口復在都毒殺林述慶沈秉堃兩人以政府而作殺人犯其罪三宋案披露知不爲全國所容以武力威服各省又慮財力不足恃乃有不交院議擅借大債之事國會否認各省都督抗議悍不顧忌希圖一己之權而貽民國以無窮之債累其罪四庫倫事件發議經年袁氏祇務對內謨視邊防不顧蒙族生命庫倫勢大內犯喪師失地其罪五中俄條約無異拋棄外蒙英在西藏日在滿州將相繼援約均沾門戶隨失國隨以亡袁氏欲賣好俄人冀遂其借債之私不恤成此巨禍其罪六臨時政府成立一年政

績無一可觀惟知援引私人輦金市貨秉鈞總攬閣務數月而投質不下廿人賄賂數逾百萬貪劣甚于亡清親貴袁氏不能屏退反加庇護其罪七濫用金錢以中央一隅歲糜幾及萬萬國會開而不能提交核算循此不已國必破產以全國之脂膏供一人之揮霍其罪八責令南省裁遣軍隊而肘下藁黨日日增兵謂非蓄謀造惡推翻共和其誰信之其罪九以金錢顛倒議員喉令搗亂其意實欲使國民對於國會生厭惡之心彼乃得遂其獨裁之大權懷蓄非常辱我國民其罪十南北統一理無岐視袁氏恐民黨勢大之難內對於南方各省利用匪黨擾亂治安以爲乘機收取之計如甯之九龍山匪贛之去年亂兵粵之王和順黃士龍袁氏均收爲黨羽助以鉅資証據確鑿其罪十一派人攻上海製造局以嫁禍民黨賄買周予儼自首以誣扳黃興誅鋤民黨不遺餘力其罪十二凡此種種袁氏之罪誅不勝誅乃復不悛力排異己不恤民意擅換都督欺我國民莫之余毒近則進兵威逼九江上海欲將首義軍隊全行殄滅所過之處擅掠殘殺慘不忍聞江西軍隊忍無可忍首倡義討五日之內蘇皖響應我粵人民篤愚共和豈讓他省本省會本都督確見袁賊種種行爲謀叛民國破壞共和乃于本日宣告與袁世凱斷絕關係舉爛明爲粵省大都督兼討袁軍總司令尅日督率粵東六萬健兒北上討袁旌旗所指何敵不摧掃穴燕庭指顧間事各省議會軍政界保障共和夙所佩仰佇望同紳義討殲此元兇鞏民國於苞桑楊共和之休烈中華民國萬歲廣東省議會廣東大都督兼討袁軍總司令陳炯明同叩巧印

湖南政報處簡章

- 第一條 本報記錄湖南政署之一切文件使人民有所遵守故定名曰湖南政報
- 第二條 湖南省各政署關於當揭載本報之命令文電應每日彙送於本報編輯部
- 第三條 凡湖南政署通行各屬文書均由本報刊布但單行文件或未便公布者仍另用文書傳達
- 第四條 凡未經本報刊布之章程文電除政府公報外其他報紙及印刷物登載者公牘中不得援據
- 第五條 凡法令除專條別定施行期限外省城以刊布本報之日起各屬以本報遞到之日起均有遵守之效力其先期接有公發印電及單行文書者不在此限
- 第六條 本報到達各府廳州縣後所有報費及郵費應責成各行政廳按月送至本政報處
- 第七條 各府廳州縣之行政廳收到本報後應將收到日期及報載公文已否遵辦情形彙報都督府
- 第八條 各政署送刊之件以送到之先後挨次登載其收到時刻以編輯部收登次序爲據
- 第九條 本省各政署各公共團體皆有購閱本報之義務
- 第十條 本報每月出版十冊每三日出版一冊其發賣之定價每月份售銅元三十八枚每冊售銅元四枚

湖南政報刊目

一 命令

都督令 各司各廳各局令

二 呈批

三 公件

公電 公文

四 通告

五 議事錄

省議會速記錄 政府會議發表事件

(轉錄)

(二) 各省公件摘要

(一) 國會速記摘要

一

二

三

四

說明

本報所記錄以本省政署所發交刊佈者

為限

凡由政署合各行政官所發表之意見書

得列入通告門

政務會議事件之須發表者或以速記錄

形式發表之或直舉某事件理由結果發

表之由政署明定

本報轉錄除各省公電外餘皆摘要而錄

之

(甲)國會速記錄摘要議事大概及議案之結果

(乙)各省公件摘取其重要而關係全國或本省

者

(戊)凡各省政署特別注意事件由政署指定記

錄或由政署預示其特重之政議於編輯員